



ARANTZAKO UDALA

Nik, Nagore Madariaga Iriarte, Arantzako Udaleko idazkariak,

ZIURTATU DUT:

Arantzako Udaleko osoko bilkurak, 2023ko urriaren 30ean egindako osoko bilkura arruntean, osoki idatzirik dagoen honako akordio hau hartu duela:

6. GAZAKO GIZARTERIAREN AURKAKO KRIMENAK GAITZESTEKO ADIERAZPEN INSITUZIONALA.

Arantzako Udaletik, Nakbatik, 1948an ehunka mila palestinar sarraskitu eta kanporatu zituztenetik, betikotzen ari den gatazka baten herritar zibilen eta indarkeriaren biktima guztien aurkako edozein eraso deitoratzen eta arbuiatzen hasi nahi dugu. Gatazka horren sustraiak munduko eremu horren banaketa kolonial europarrean daude, eta erantzunkizun handiena okupatzaileek, Israelek, sionismoak eta haien aliatuek, AEBk eta EBk dute, bertzeak bertze. Gatazka, gaur egun, mediatikoki gerra gisa onartu da, eta horrek ezin gaitu erratu bere izaera zeharo desorekatu eta neurrigabeari dagokionez. Palestina estatu israeldar, boteretsu eta kolonizatzailearen aldetik imajina daitezkeen gerra krimen guztiak jasan izanaren lekuko izan da, benetako genozidioa eginez.

Palestinako herriak bere izateko eta existitzeko eskubide legitimoa aldarrikatzen jarraitzen du, nahiz eta Israelek Gazako zerrendan espetxeratzeko politika egin, harresiaren bertze aldean dagoen "erabateko segurtasun" irudipen baten ondoren. Ez okupazioak, ez behartutako desplazamenduak, ez apartheidak, ez garbiketa etnikoak ezin izan diote erresistentziari amaiera eman. Era berean, ezin izan dute beren duintasuna makurtu pilaketak, beren etxeen suntsipenak, atxiloketek, espetxeratzek, gehiegikeriek, hilketek, blokeak eta oinarrizkoena gabetzeak. Hori guztia munduko segurtasunean eta armamentuan inbertsiorik handienarekin egin da, eta horrek gatazka areagotu baino ez du egin. Egoera honek 70 urte baino gehiago daramatza eta testigantzek eta zifrek baieztatzen dute, komunikabide handiek isiltzen duten arren. Argi eta garbi adierazi nahi dugu ez garela egoera honen normalizazioaren konplize izateko prest gauden pertsonak. Gauzak beren izenez deitu nahi ditugu eta, horrela, gatazkaren erroak identifikatu eta arduradun nagusiak seinalatu.

Gaur egun, gobernu israeldarrak harro aldarrikatzen ditu bere krimenak, bere ekintzak iragarri eta telebistan erakutsiz. Beren egintzak nazioarteko zuzenbidearen aurkakoak direla diote. Horren aitzinean, Arantzako Udalak elkartasuna adierazi nahi dio Palestinako herriari, existentzia hutsak erresistentzia erran nahi baitu. Enbargo militarra, boikota eta Israeli jarritako zigorrak babesten ditugu, Israelgo Gobernuia Palestinaren aurkako erasoak geldiaraztera, nazioarteko zuzenbide humanitarioa errespetatzera, Palestinako eta nazioarteko eragileekin hitz egitera eta NBERen ebazpenak errespetatzen hastera behartzeko neurri eraginkor gisa. Gainera, adierazi behar dugu konponbidea milizia koloniarren armagabetze eta desegitearen eta okupazioaren amaieraren ondoren bakarrik aurkitu ahal izanen dela. Bakea herri palestinarrarentzat askatasuna eta justizia lortzearekin baino ez da lortuko.

Eta horrela jasota gera dadin eta dagozkion ondorioak izan ditzan, dagokion aktaren onarpenetik ateratzen diren terminoak kontuan hartuta, Toki Erakunde Antolaketa, Funtzionamendu eta Araubide Juridikoaren Erregelamenduaren 206. artikuluan xedatutakoarekin bat etorritik, ZIURTAGIRI hau ematen dut, jarduneko alkatearen oniritziarekin.

Arantzán, 2023ko urriaren 30ean.

JARDUNEKO ALKATEA oniritzia,

Data: 2023.10.30
19:29:09 +01'00'

Dabid Iturria Almandoz

IDAZKARIA,

Data: 2023.10.30
19:29:26 +01'00'

Nagore Madariaga Iriarte